

gebracht werde/ So hat man für eine besondere Noth-  
turfft angesehen/ die eine Zeitlang hin vñ her verübte  
*Acta* vnd Wechfelschriften / ohne einigen Zusatz / in  
den öffentlichen Druck zugeben: Vnd wil man den  
guthertzigen/ vnpartheyischen/ vnd der Warheit lieb-  
habenden Leser hierüber gerne vrtheilen lassen / Ob  
biß anhero im Namen vnd von wegen höchstermant  
der Königlichen May. vnd der hochlöblichen Cron  
Schweden / des Herrn Reichs Cantzlers vnd Dire-  
ctoris Excell. einige Erbare/ billichmässige/ vnd repu-  
tirliche Tractaten außgeschlagen? Ob die Jenige/ so  
man eine zeithero deroselben angetragen/ vnd hin vñ  
wieder außgeruffen worden / so beschaffen seyn/ das  
sie mit Ehren / *Respect* vnd Amptshalber angenom-  
men werden können? Vnd ob auch biß daher/ vor-  
höchstermelt / die Königliche May. vnd hochlöbliche  
Cron also tractiret worden / oder noch tractiret wer-  
de/ wie es dero *Meriten*, *Hohheit* vnd *Dignitet* billich  
erfordern vnd sonstien *Sauverain* Cronen vnd König-  
reich tractirt zu werden pflegen.

Regis